

Global Ispat Koksna Industrija d.o.o. Lukavac danas je predala Federalnom ministarstvu okoliša i turizma novi zahtjev za izdavanje okolišne dozvole.

Zahtjev je podnesen nakon što je potpisan ugovor s ovlaštenom konsultantskom kućom koja je zajedno sa stručnim osobama iz kompanije, u najkraćem dozvoljenom roku pripremila svu neophodnu dokumentaciju, saopćeno je iz GIKIL-a.

Zahtjev je pripremljen prema primjedbama i sugestijama datim u prethodnom upravnom postupku vezanom za izdavanje obnovljene okolišne dozvole te prema metodologiji propisanoj odredbama člana 54.a. Zakona o zaštiti okoliša, kao i drugim propisima iz oblasti zaštite okoliša i BAT preporukama EU.

- Podnošenje zahtjeva za izdavanje okolišne dozvole je bio jedan od prioriteta te je zajedno s pratećom dokumentacijom i priložima za pogone i postrojenja u sastavu proizvodnog kompleksa GIKIL, koju je zajedno s nama pripremio ovlašten konsultant, Institut „Kemal Kapetanović“ iz Zenice, danas i predat u prostorije Ministarstva. Ono što sada očekujemo jeste da nam nadležno Ministarstvo izda traženu obnovljenu okolišnu dozvolu kako bismo stvorili uslove za odobravanje investicionih sredstava za finansiranje projekata vezanih za zaštitu okoliša, a koje smo predvidjeli popisom mjera i aktivnosti sadržanih u novom zahtjevu - rekao je menadžer za okoliš Jasmin Imširović.

Svi detalji vezani za najvažnije aktivnosti na koje će se GIKIL obavezati bit će poznati nakon što okolinska dozvola konačno bude obnovljena, a kako je i navedeno u novoj aplikaciji, GIKIL je na raspolaganju svim nadležnim, zajedno s konsultantskom kućom, za eventualne dodatne informacije i podloge u cilju ažuriranja postupka i izdavanja nove okolišne dozvole.
Izvor: energetika.ba